

Hob y deri dando Ar Boutaour Koat

Me am boa eur vestrez saoez,
 Hob y deri dando...
 Pen melen, teod hir ha luchés,
 Yannig a gan ato !
 Met pa gomzen a zimezi,
 Yannig, Yann,
 O nann, ne rin ket ar fazi,
 Yann gamm, paotr e vamm,
 A glask bepred ar gwella tamm,
 Yann gamm, paotr e vamm,
 Hen dije tapet eur pezh lamm !

Henvel 'oa he mouez o kana,
 Hob y deri dando,
 Ouz eur goz vioc'h o vlêja,
 Yannig a gan ato !
 Pe ouz eur c'hoz ki oc'h harzal,
 Yannig, Yann,
 Aet e damm askorn gant eun all ;
 Yann gamm, paotr e vamm
 A glask bepred ar gwella tamm,
 Yann gamm, potr e vamm
 Hen dije tapet eur pezh lamm !

Dreist ar mor e nij va c'halon,
 Hob y deri dando,
 Tresek va mestrez ken mignon,
 Yannig a gan ato !
 Tresek an ael a garante,
 Yannig, Yann,
 A zo 'barz va zonzou noz-de,
 Yann gamm, paotr e vamm
 A glask bepred ar gwella tamm,
 Yann gamm, paotr e vamm
 Hen dije tapet eur pezh lamm !

Troet diwar ar c'hemraeg
 gant Fanch GOURVIL.

Selaouit holl 'ta selaouet,
 Tran lar dirêno
 Eur zon a zo nevez savet,
 Tran lar dira lanla,
 Tran lar dirêno.
 Eur zon a zo nevez savet,
 D'eur boutaouer koat eo bet grêt.

Savet eo d'eur boutaouer koat
 A zo o chom e-kreis ar c'hoat.

E lochen blouz a zo bravet
 Gant gwiad kewnid ha moged.

— Penaos kas d'ezan e veren,
 Pa n'ouzon hent na gwenojen ?

— Pignit aze war ar c'hleuz all,
 Ha c'houi 'glevo trous e vouc'hal.

Trous e vouc'hal hag e dalar
 O vont en-dro primm ha dispar...

Ar boutaouer a zo laouen
 Hag a c'houitel a-bouez e benn.

— Pretra 'zigases da zibri ?
 Digor ar baner ma welin.

— N'am eus gallet digas fenoz
 Nemet krampouez ha bara gros.

Pinvikoc'h 'vezfom moarvad,
 P'am mo gwerzet va boutou koat.

Ha disul vintin a mefomp
 Kig sall ha gwin, pezh a garfomp.